

समे – 12:25 hrs.

<><><><><><>

Kargil-Vijay Diwas

समूलचा मुख्य अज्ज कारगिल विजय दिवस दी 26मीं बरेगंड मना करदा ऐ। एह ध्याड़ा कारगिल युद्ध दरान भारत दी शानदार जित ते 1999 च होई दी इस जंग च अपनी जिंदू दा बलिदान देने आहलें गी चेता करने ते सम्मान देने लेई मनाया जंदा ऐ। चुप चबीते भारतीय इलाकें च आई बड़े दे पाकिस्तान सैनिकें गी कामयागी कन्नै उत्थुआं वापस खदेड़ने लेई चलाया गेदा आपरेशन विजय अज्जै दे रोज सम्पन्न होआ हा। इस जित कन्नै गै भारती फौज नै उनें सब्भनें चौकिएं ते इलाकें गी परतियै अपने कब्जे च लेई लैता हा। इनें घुसपैठिएं च पाकिस्तानी फौजिएं दे कन्नै कई आतंकवादी बी ऐ हे।

<><><><><><>

LG-Vijay Diwas

उपराज्यपाल मनोज सिन्हा होरें अज्ज करगिल विजय दिवस दे मौके पर सब्भनें शहीदें गी श्रद्धांजलि भेंट कीती। अपने स्नेह च उपराज्यपाल होरें आखेआ जे 1999 च करगिल युद्ध च भारतीय सेना आसेआ दस्से गेदे अदम्य साहस ते शौर्य करी गै भारत नै पाकिस्तान गी हराइयै जित अपने नां कीती ही। उनें शहीदें गी चेता करदे होई गलाया जे स्हाड़े जवानें दुनिया दे सब्भनें शा मुश्कल इलाकें च लड़ाई लड़ी ते भारत दी रक्षा कीती। उनें आखेआ जे स्हाड़े जवानें दी बहादुरी, दलेरी ते बलिदान औने आहली पीढ़ियें गी प्रेरित करोग।

<><><><><><>

Spl. Discussion Pahalgam

संसदीय मामलें दे मंत्री किरें रिजिजू होरें आखेआ ऐ जे पहलगाम आतंकी हमले ते आपरेशन सिंदूर तैहत भारत दी प्रतिक्रिया बारें संगारें लोकसभा च इक खास चर्चा कीती जाग। कल नमीं दिल्ली च मीडिया कन्नै गल्लबात करदे होई श्री रिजिजू होरें आखेआ जे एह फैसला लोकसभा दे स्पीकर ओम बिरला हुंदी अध्यक्षता च बिजनेस एडवाजइरी कमेटी दी बैठक दरान लैता गेआ ऐ। उनें दस्सेआ जे लोकसभा च इस बइस लेई 16एं घैंटे दा समां दिता गेआ ऐ।

<><><><><><>

LG-DCAS

सेना दे उप-प्रमुख ते डीजीएमओ लेफ्टिनेंट जनरल राजीव घई होरें कल उपराज्यपाल मनोज सिन्हा हुंदे कन्नै मलाटी कीती ते जम्मू-कश्मीर च मौजूदा सुरक्षा स्थिति बारें व्यापक चर्चा कीती।

<><><><><><>

LG-Save Youth

उपराज्यपाल मनोज सिन्हा होरें कल राजभवन च Save youth संस्था दे 50 सदस्यीय प्रतिनिधिमंडल कन्नै गल्लबात कीती। एल.जी होरें इस मौके पर संस्था आसेआ नोजवानें गी सशक्त बनाने, आतंकवाद दे शिकार लोकें दे परौआरें तगर पुज्ज बनाइयें मदाद करने,

कट्टरवाद थमां मुक्ति ते नशे दी माड़ी कबैतू गी खत्म करने लेई कीते जा'रदे जत्नें दी सराहना कीती।

<><><><><><>

Satish-PDS

खुराक, सार्वजनिक बंड ब्रिकी ते उपभोक्ता मामलें दे मंत्री सतीष शर्मा होरें आखेआ ऐ जे समूलचे जम्मू-कश्मीर च स्मार्ट पी.डी.एस बंड सरिस्ता अगस्त 2025 दे मझाटै लागू होई जाग। कल इस सरिस्ते गी लागू करने बारें लग्गी दी इक बैठका च उनें इस प्रक्रिया दी रफ्तार ते उपलब्धिएं दा जायजा लैता। उनें आखेआ जे इयां होने कन्नै जम्मू-कश्मीर राष्ट्रीय राशन कार्ड प्रबंधन तैहत स्मार्ट बवस्था सरिस्ते गी अपनाने आहला मुल्खै दा पैहला केंद्र शासित प्रदेश बनी जाग। इस बवस्था गी पूरे मुल्खै च लागू करने दा निर्देश खुराक, सार्वजनिक बंड ते उपभोक्ता मामलें सरबन्धी केंद्री मंत्रालय नै जारी कीते दे न।

<><><><><><>

Satish-Google

जम्मू-कश्मीर च डिजिटल विकास ते नौजवानें गी एहदे नै जोड़ने बक्खी इक महत्वै आहली कार्रवाई तैहत सूचना, टेक्नालजी मंत्री सतीष शर्मा होरें गूगल इंडिया दे राष्ट्री निदेशक आशीष वातल ते उत्तरी राज्यें दे सार्वजनिक क्षेत्र प्रभारी संजय दीवान हुंदे नै मलाटी कीती। बैठक दरान मंत्री होरें डिजिटल समावेशन, उद्यमता गी बढ़ावा देने ते जम्मू-कश्मीर दे नौजवानें लेई कम्म-रोजगार दे मौके पैदा करने लेई गूगल कन्नै किस चाल्ली साथ-सहयोग बधाइयै कम्म

कीता जा, एहदियां संभावनाएं बारें पता लाने पर जोर दिता। उनें गूगल गी आहवान कीता जे ओह इत्थूं दिएं जरूरतें स्हाबै हुनर विकास प्रोग्राम तैयार करन, डिजिटल जागरूकता लेई अभियान चलाए जान ते टेकनालजी पर आधारित उद्यमता दे माडल तैयार कीते जान, टकोहदा करियै ग्रामीण ते दूर-दरेडे इलाकें लेई।

<><><><><><>

Jawan-martyed

पुंछ जिले च कल इक बरूदी सुरंग दे फट्टने करी इक्क अग्निवीर सैनिक शहीद होई गेआ ते 2 दुए घाऽल होई गे न। जानकारी मूजब शहीद अग्निवीर जवान दी पंछान 7 जाट रेजीमेंट दे ललित कुमार दे तौरा पर कीती गई ऐ। एह विस्फोट उस्सलै होआ जिस्सलै एह लोक कृष्णा घाटी सेक्टर च नियमित गश्त पर हे। घायलें दी पंछान नायब सूबेदार हरिराम ते हवलदार गजेंद्र सिंह दे तौरा पर कीती गई ऐ। दौनें घायलें गी मिलट्री अस्पताल पजाया गेआ जित्थे उंदा इलाज चलै करदा ऐ ते उंदी हालत स्थिर दस्सी जा करदी ऐ। उपराज्यपाल मनोज सिन्हा होरें शहीद अग्निवीर ललित कुमार होरें गी श्रद्धांजलि भेंट करदे होई उन्दे परिवार आहलें कन्ने हमदर्दी ते दुख प्रगट कीता ऐ।

<><><><><><>

Ayush-Ramban

इस्सलै चला'रदी श्री अमरनाथ जातरा दी पच्छौक्कड़ै च आयुष मैहकमा रामबन आसेआ श्रद्धालुएं गी सेहत स्हूलतां उपलब्ध करोआने लेई मेडिकल कैंप लाए गे न। इनें कैंप च मुफ्त जांच, दोआइयां, आयुर्वेद योग ते होरने सेहत सेवां प्रदान कीतियां जा'रदियां न। एह

पैहलकदमी रामबन जिला प्रशासन आसेआ राश्ट्रीय जरैनली शिङ्क एन-एच-44 पर सफल करने आहले तीर्थ जात्रुएं दी भलाई-बेहतरी यकीनी करने लेई कीती गेदी ऐ। इनें कैपे दा मकसद समग्र सेहत स्हूलतें दी उपलब्धता यकीनी करना, मुफ्त सेहत जांच ते दोआइयां बगैरा उपलब्ध करोआना ऐ।

<><><><><><>